

۱۳۴۰

اتبعون اهدكم سبيل الرشاد

صاحب و مدیر مسئول : ع . اشرف ادیب

ایکی به می تقسیم ایتک ایستور (سؤالنده بولونویورسکیز . بنده ذات رشادتکزه سورایم : شمدی ده مرشدک و مقبلکدن بولتیقه جیلغمه می هوس ایندیکیز ؟

واژیکیز ایمانم ! بولتیقه جیلغمه عرف عوامده مدهانک مغنا سته کلدیکنی دوشونکیز . مدهانه ایتک ، تورکجه سی قاووق صاللامق سزک کی کسوه اولیا لابسارینه و اوج طریقتدن مقام ارشاد جالسارینه یاراشماز . سز ، حزب جدید ایله حزب عتیقدن بحث ایده جککزه گوشه فراغکیزده بر حزب قرآن اوقویوب وطن و ملتک سلامتته دعا ایدیکیز که اصل وظیفه کزی ایفا ایله مش اولاسکیز .

« بر زمانر عینی آثار تعصبه مرشد عالی هم (شیخ نظیف قوی) دیه مجازی و حقیقی سوزلریله مولویلکی ایکی به آیرمق تشبلی اولدی ایسه ده موفق اولامادی ایدی ، بویورویورسکیز .

آمان ارنلر !

ارضی بیلمز لاخلادن ، لاملادن بحث ایدر ،

صودوروک ، سویله تمهیک صوفی بی بجاسوبیلور !

و : دکل کرامتی ، شیخی آلمایک هیچه ،

باقکده عبرت آلك مرشدک ضالاندن !

دیه جکم کلیور .

مولویلکی ایکی به آیرمق ایسته یین کیملردر . شیخ نظیف قوی نه دیمکدر ؟ واقعا بز شیخ نظیف افندی بی کورمه ده . لکن مشارالیهک زمانه به تیشنلر حالا موجود . بزه اینانمازسه کز اونلره صوروب تصحیح عقیده ایله یکنز که مولویلکک اولیه دالی ، بوداغی ، قوی ، باجانی یوقدر . طوس طوغرو برمسلك عرفاندرکه آلتی یوز یوقدر سنه دن بری او طریق معرفتده ظهور ایدن اکملین ، ذرات منجذبه کی شمس مولانانک شعاع حق التماغنده محو و مستهلک اولوب قالمشدر . یالکیز سزی یا کیلتان برصاحبا وارددرکه تبدیل الشکل لاجل الاکل وادیسند طولاشان بعض سرسریلر طرفندن چیقاریلش (شمسی) لک (ولدی) لک اعتبار مردودیدر . کویا (شمسیر) مشرب عشقی (ولدی) مسلك زهدی اختیار ایدرلر و منزل حقیقته بویوللردن کیده رلرمش !

حقیقتده ایسه (سلطان ولد) حضرتلری ، جناب (شمس تبریزی) نکده خلیفه سی اولدینی جهتهله شمسلیک ایله ولدیلاک ، مولویلکدن باشقه برشی دکلدر .

ایشته شیخم ! شومعروضاتی گوش انتباهه آلیکیزده ادراککزه تنزلدن متعالی بولونان مباحثه قاریشمقندن اجتناب ودعا کوی اموات اولارق چاره جوی اقوات اولمایه شتاب ایدیکیز که نظرکزه :

چون بسی ابلیس آدم روی هست

بس بهر دستی نشاید داد دست

حرف درویشان بدزد مرد دون

تا بخواند بر سلیبی زان فسون

دیه سینلر . باقی :

نسخه ک مرض عشقه علاج ایله مدی هیچ ..

ای شیخ کراما تفروش ! ازده صوین ایچ .

طاهر المولوی

هامسه — حقه بازار کونکی نسخه سنده ده « ددکان مولویه دن اون بش کیشی نامه علی رضا دده » و « یکیشهرلی شاعر عون بی حفیدی محبان مولویه دن حسین عون » عنوان و امضالریله ایکی ورقه واردی .

علی رضا دده ایله حسین عون بی رأی و مطالعه لرند . سربست بولونقلری ایچین یالکیز کندی ناملریله وکالت ایتدکلی ذوات حسابنه سوز سویله به بیلرلر . لکن برینک « طاهر المولوینک مولویلر نامه حق سزوبی لزوم تجاوزینه اشتراک ایده جک هیچ بر مولوینسک بولنمادیغنی کمال جسارتله اتیان « ایتهمی ، دیکرینکده « بویکی غیر منطقی اعتراضاتک مولویلکک شخصیت مغنویه سی ایله هیچ برمناسبتی اوله میه جنی » ادعاسنده بولونماسی اصل غیر منطقی وشایان تعجب کوروله جک افکار متجددانه دن اولسه کرکدر .

دوران باخبر به ازترد یکان بی بصر !

ط . م .

شیخنا

مهلك بر مرض

تاریخ اسلام عریض و عمیق بر صورتده تدقیق ایدیلیرسه اقوام اسلامییه نک تا اوتنه دنبری معروض اولدقلری مرض مهلكك افتراق واختلافدن عبارت اولدینی تبیین ایدر . شو مرضک آثار و تظاهراتی تا بدایت اسلامیتده مشاهده ایله مک قابلدر . حضرت رسول اکرمک وفاتی کونی بیله شو مدهش مرض کنیدیسی کوستردی ، ایام جهالته خاص و روح اسلامیته طبان طبانه ضد اولان شو حال ، اسلامیتک واسطه ظهوری اولان ذات مبارکک وفاتی دقیقه سنده بیله تجلی ایله می به باشلادی . فقط روح نبوی ایله متنفس و حقایق اسلامییه بی حامل بولنان بر قاج ذات معالی صفاتک همتلری سایه سنده ایام جهالت حسیاتی بوکرده مغلوب ایدلدی . مقام معالی خلافتنه انتخاب ایدیلن ابوبکر صدیق رضی الله عنه ایلاک خطبه لرند : « اسلامیتی ، قابل زوال اولان جسد مبارک محمدیدن عد ایدنلر ایچون اسلامیت آرتق بیتدی ، یوقدر ؛ فقط اسلامیتی بشریتک سعادتتی متکفل بر سلسله حقایق آسمانیدن عد ایدنلر ایچون اسلامیت ابدیاً باقیدر و ایشته بز شو اسلامیتی ابقا ونشر وظیفه سی ایله مکلفز » سیاقده بیان افکار ایتشلردی .

فی الحقیقه اسلامیتک باشنده تزلزل و تردد ناپذیر بر قوه حاکمه

معقوله و مشروعه ایله بتون ارادات و تمایلات شخصیله عینی مجرایه ، عینی غایه مقدسه طوغری سوق ایدن ابوبکر صدیق ، عمر ابن خطاب رضی الله عنهم کی مقتدر ذوات بولندجه تاریخ بشریتده امثالی نامسبق و حقیقتاً معجزه نما بر فعالیت ، براقدار ابراز ایدلدی .

زیرا حیات اجتماعی ملیتی متخالف و متضاد ارادات و تمایلات شخصیله مالک اولان میلیونلرجه نفوسک اجتماع ایدرک بر کتله واحد تشکیل ایتلهلری ایچون اک برنجی شرط ، اک عمده اساس نظام و انتظامه رعایت ایتلهلریدر .

نظام و انتظامی تأمین ایچون ده ایکی قوه موجوددر ؛ بریسی قوه قاهره قانون ، دیکری ایسه وجدان ملی ! اولکیسی بر قوه مادیله درکه حدود طبیعی سندن چیمق تمایلاتنده بولنان ارادات شخصیلهلری در حال حدود مذکوره دائره سینه سوق ایدر . ایکنجیسی ایسه بر قوت معنویه درکه انسانلری کندی تمایلات ، آرزو ، و اراده شخصیلهلری بر مقصد و غایه عالیلهک استحصالی ایچون منفعت عمومیه بولنده فدا ایتیه سوق ایلر .

ایشته بدایت اسلامیتده ، وفات نبوی بی متعاقب بز شو ایکی قوتکده عینی درجه حاکم اولدیغنی کورسیورز . یوقاریده عرض ایتدیکنز کی وفات نبوی بی متعاقب ایام جهالته مخصوص احوال و علامات کنیدلری کورسیرمه به باشلادیلر . ظهور اسلامیت قدر متفرق و متحارب قبایل و حشیه دن عبارت اولان عربلر اسلامیت سایه سنده بر کتله واحد ، بر ملت مقتدره شکلنه کیرمکده لر ایکن وفات نبوی مناسبتی ایله اسکی حال و اوضاع ینه باش کورسیرمک استعدادنده بولندی . رؤسای قبائل اسکی وضعیتلری اخذ ایتمک آرزو سنده بولندیلر ؛ اوتده بریده قیامه ، عصیان شروع ایتدیلر ؛ اسلامیتدن بیله خارج اولدیلر ؛ مدینه ده انصار ایله مهاجرلر آراسینه خلافت مسئله سی مناسبتی ایله صوقولمش اولان نزاع و شقاق ده شو احوال عمومیه نک باشقه برنجی ، بر تظاهرندن عبارتدی . اسلامیت مدعش بر تهلیکه قارشیدنده بولنیوردی .

ایشته اوزمان وجدان ملت کنیدیسی کورسیردی ، روح اسلامیتله متحلی ، مادی و معنوی موجودیتلری اسلامیته وقف ایتمش اولانلرک کافه سی هان تهلیکه نک عظمتی درک ایدرک بتون قوتلری ایله ازاله سینه قویلدیلر . ارادات و تمایلات شخصیلهلر اونوتیلدی ؛ آرزو و احتراصات فردیلر منفعت عمومیه به فدا ایدلدی . اول باول فاروق اعظمک اتحاد آرا ایله انتخابیله وجدان ملی بی طاشیانلر ایچنده اختلاف و شقاق بر طرف ایدلدی . شیمیدی صره قوه قاهره قانونه کلدی . ابوبکر صدیق ، عمر بن خطاب زمانلرنده قوانینک بتون افرادمت حقنده سیاناً نه درجه ده شدتله تطبیق ایدلرکی جمله معلومدر . ایشته بومناسبتله شیرازه وحدتی بوزمق تمایلاتنده بولنان و صرف ایام جهالته مخصوص اولان ارادات فردیلر دائره معقوله به سوق ایدیلرک تاریخ اسلامیت اک زرین صحیفه لرینی شوایکی خلیفه ذیشانک ایامنده حائر اولدی .

فقط ایام جهالت روحی هنوز بتون بتون محو و نابود ایدیله . مه مشدی ، هوا ی نسیمیده کز بیوردی ، کنیدیسی ایچون مساعد شرائط آرییوردی . ایشته شو مساعد شرائطی عثمان ابن عفان و علی ابن ابوطالب حضراتی زمانلرنده بولدی . عثمان ابن عفان رضی الله عنه حضرتلری طرفدن ابراز ایدیلن اوافق برضعف مزاج تمایلات و ارادات شخصیلهلر ایچون واسع بر میدان آچدی ، شیرازه دولت بوزولمه به یوز طوتدی . بو حال علی ابن ابوطالب حضرتلری زماننده ده زیاده کسب شدت ایتدی . جل ، صفین ، نهردان محاربهلری اسلامیتی ابدیاً داغدار ایدرک تاریخ اسلامک قانلی وفاجعه دار صحیفه لریدر . خوارجک ظهوری ، کربلا واقعه مدعش سی ، یزید و حجاج ابن یوسف کی حاکمک صحنه اسلامیتده نمایان اولمهی شیرازه حکومتک تماماً بوزولدیغنی و بر هرج مرج عمومینک ، آناشینک قائم اولدیغنی کورسیرور .

علی ابن ابی طالبک قانلی اولان ابن ملجمدن کریمه سی حضرت زینب : « بابام خلیفه یی نیچون اولدرک ؟ » دییه صوردقده قاتل : « بن خلیفه یی اولدرمه دم ، علی بی اولدردم ؛ الحکم لله » دییه جواب ویردی . بو کونکی آوروپا آنا رشیستلری باشقه برشی سویله میورلر . آنا رشی جازی و حکمران اولان بریده نه وجدان ملینک ، نه ده قوانینک تطبیقنه میدان قالمز . آنا رشی به قارشی قونولاجق یگانه قوت ، استبداددر . میلیونلرجه ارادات و تمایلات شخصیلهلرک بر هرج و مرج عمومی ایچنده یک دیکرلری ایله چارپشمه لرینه قارشی بگانه چیقاییله جک قوت ، ینه بر اراده واحد قاهره اوله بیلیر ، بی امیه و بی عباسیه زمانلری حقیقت حالده اسلامیتک اساس و ارکان حکومت حقنده وضع ایتمش اولدیغنی قواعد تماماً مخالف اولان بر اصول استبدادک تأسیسندن باشقه برشی دکلدی . و بوده چاره سز ایدلی . استاد فاضل مناسترلی اسماعیل حق افندی حضرتلرینک « صراط مستقیم » صحیفنده تاریخ اسلامیته عائد نشر ایتمش اولدیغنی تبعاتده بیور بیلورک : « عزبلردن بریسی حجاج ابویوسفه : سن فاروق اعظم زمانه یتشدک ، عدالتی کوردک ، نیچون او خلیفه ذیشانه امتثال ایتزسک ؟ » دیمش ؛ بو کاجوابا حجاج ده دیمش که : « فاروق اعظم زماننده ابذر واردی ؛ سن ابذر اولده بنده عمر اولهیم » !

شو اوافق جمله تام بر حکمت حکومتدر ؛ ابن ملجملردر که یزیدلری طوغوریور . استبداد ، آنا رشی ... یکدیگرلرینک شریک و رفیق غیر مفارقتی در . آنا رشی اولان یرده مطلق استبداد اولور و استبداد حاکم اولدیغنی محله مطلق آنا رشی وجود بولور . تاریخ اسلامیتی تدقیق ایدکر . ظاهر آ قوی ، مقتدر ، بر حکومت مستبدنهک موجودیتنه رغماً باطناً عمومی بر هرج و مرج ، بر عدم انتظامک حکمرانلغنی کورر سکر . رؤسا ، قبائل ، اقوام علی الدوام یک دیکرلری ایله چارپشمه در . دائماً بر سیلاب خونین درکه آقیور . حتی دشمنه قارشی کوندریلن عساکر اسلامیه آراسنده شو حالت روحیه بر دوام اوله رق

تمیز و زیر اداره فاضلاندرنده انتشار ایتکده بولسان «سبیل الرشاد» نام جریده فریده لری بالعموم اسرا ارقداشلومه مطالعه اولونمق ارزو ایدلیدیکندن لطفاً ارسال بیورلمسیله بر درجه حال اسارتدن متولد یأس و کدرلریمرک رفع و تطمیننه همت و عنایت بیورلمسی تمی ایدر و بو وسیله ایله تقدیم احترامات ایلرم افندم.

۱۶ خزان ۳۲۸

ایتالیا ناپولی شهری جوارنده سالارنونک قامیایا نام «قصبه ده قشله ده» مقیم اسرای عثمانیه دن چکجه لی قورمه سر معاوی

علی حلمی

سبیل الرشاد

جریده من حقه کی توجهات علیه لرینه تشکرلر ایدرز. رساله من مع الافتخار تقدیم اولمشدر، بعدماده کوندریله جکدر. محترم قارداش، «ولا تحزن ان الله معنا...».

امام یحیایک بر مکتوبی

امام یحیا حضرتلری طرفندن یمن مبعوث محترمی السید احمد الکبسی حضرتلرینه کوندریلن مکتوبک عیاً ترجمه سیدر:

برادر عزیزیم یحیی الکبسی، سلام و تحیاتدن صکره: معلوم عالیلری اولدیغی وجهله اجنیلردانما اهالی مطیعه اسلامیه یی اغوا و اغفاله ساعی و انواع خیل و دیاس استعمالندن غیر خالیدر. بعض مسلمانلر مزدخی بو اغفالاته قایللررق یکدیگریته قارشى ایقاع ضرر ایتکده و اخیراً کله جک مضرتک درجه سنی حساب و تعیین ایله یه مه مکده و دشمنک بوندن استفاده ایدرک بو کون جمله سنی محو و پریشان ایله جکنی تیقن ایدمه مه مکده درلر. بو حالک اسلامیتک محوینی انتاج ایله جکنی تحظر ایدمه مدکاری کی بو حرکتلریله دشمنک موفقیته خدمت ایتکده اولدقاریغی ده آ کلایه مامقده درلر.

هر صاحب عقل و اذعان ادنا بر ملاحظه ایله وقوع بولان کافه حرکاتک بردیسسه اجنبیه محصولی اولدیغی و بوتون اجنیلر مسلمانلرک علیه نه یکدیگریته خفیاً و جلیاً معاونت ایتکده بولندقلری کورمه مک و بونک نتایج و خیمه سنی آ کلاماق قابل دکلدر. اسلامیتی ضعیف اولان مسلمانلردن بعضیلری بونلری ما کولات و مابوسانده و افادات و بیانات و حرکاتده تقلید ایتکده و بونلردن معاونت و مظاهرت کورمه مکده و اهالی اسلامیه آره سنده ایقاع شقاق و فساد ایله جک بیاناتده بولنقمده درلر.

نه اولوردی بو کی آدملر احکام دینه دن اولان تعاون و تناصر قواعدینه رعایت و آره لرنده وقوعه کلکده اولان نزاع و شقاق بر طرف ایتش اوله ایدیلر. افکار عمومیه اسلامیه تأثیرات خارجیه نتیجه سی اوله رق مجلس مبعوثانده تشکیل ایدن فرته لرک بر برینه قارشى آلدقاری وضعیتدن فوق العاده متأثر و متألمدر.

هله منتخبلر بزمبعوثان کرامی ضرر عامی انتاج ایتکده اولان

رؤسنا آراسنده استرقاب، قانلی فاجعه لر، چارشمه لر هیچ بر زمان اکیسک دکلدر.

ایشته اقوام و ملل اسلامیه نک دهشت نما بر صورتده سقوطنه باشلیجه سببده شو احوال روحیه اولمشدر. اندلسده اسلامیتک صورت انقراضی، هندستانده حکومت اسلامیه نک س وطنی، آفریقای شمالیده، آسیای غربیده بوقدر اسلام سلطنتلری نک تاریخ اضمحلالی در خاطر ایدکز؛ هپ عینی سببی، عینی حالی کوررسکز. بزمسلمانلر احتراضات، انفعالات، تمایلات شخصییه منی منافع عمومیه یه قدا ایتک خاصه سنه مالک دکلر. بزم اک بیوک، اک مهالک خسته لغمز، مرضمزه بوندن عبارتدر. فقط شو خسته اق مناسبی ایله دوچار اولدیغمز ذلتلر، مصیبتلر بیله بزی ایقاظ ایده میور.

مناسرت واقعه الیه سی بو کون هر بر مسلماننی تاروح و قابندن جریحه دار ایتمه ایدر، بز شو واقعه نک عیاشرلری طرفندن در میان ایدیان مدعیات و مطالباتک ماهیتی حقه، بیان افکار ایتیه جکز. بونلرک حق اولدیغنی تسلیم ایه ک بیله ینه شو حقه استرداد ایچون مراجعت ایدلش اولان طریق تصویب ایده جک داده بر صاحب وجدان، بر صاحب اذعان بولندیغنی بیله تصور ایتیمورز. اکر بو کون سرکارده عبد الحمید بیله بولنسیدی و مملکتک ایچمه بولندیغنی غوایل و مشکلاته برابر بزده بویه بر غائله ایقاع ایتش اولسیدیلر، بز بلا تردد شو غایله یی ایقاع ایدنلری - کیم اولورسه اولسون - حیتسز لکله وصف ایدرک! زیرا بو کون بتون عثمانلرک، بتون مسلمانلرک اوزرینه یکانه بر وظیفه تحمیل ایدلشددر که اوده قارشیمزه چیقمش اولان، بزم موجودیت ملیه و دینییه مزه بیله ختام ویرمک نیتی بسله مکده بولونان دشمنله متحداً و متفقاً نیجه لشمکدن عبارتدر. اکر بزه ظلم و شتم، قهر و جبر اولورسه بیله بز شو دشمنی بر طرف ایدنجه یه قدر هر شیئه صبر و تحمل ایتمه لی بز. بزده بر وجدان ملی، اسلامیتک شو صوک نشانه سی اولان خلافت عثمانیه یی محافظه ایتک قایغوسی وار ایه - بویه حرکت ایتمه. بو کون حساب و قی دکلدر. قاتل قاتله بیله ال ویررک دشمن عمومییه قارشى چیقمه لیدر. زیرا معاذ الله دشمن غلبه چالارسه، دشمن وطنی مقهور و منکوب ایدرسه بو کون اسعاف ایتدیره جکمز مدعیات و مطالباتدن بیله هیچ بر بهره و ثمره کورمه میز! حالبوکه ایشته موسمسز، وقتسز یا بلش اولان شو کی حرکاتدر که دشمن ایچون اک زیاده مدار ظفر و غلبه اولابیلر! شو کی حرکاتدن صاقینه لم که کوکاردیم! ارواح انیسا قان آغلیور!! احمد آغایف

مکتوب

دار الخلافه ده سبیل الرشاد جریده اسلامیه سنه

معروض داعیلریدر،

مطبوعات عثمانیه و اسلامیه آراسنده مندرجات جدیده سیله کسب